

S'ScHNApP.



ZUEFTj

USsg@B 187

Drei Daag abgrisse

Do isch sy also die Pflättere, wo n'ys d'Kaländer-bletter vo de drei schönschte Dääg vor d'Nase hebt. Dass mir ammel das Datum jo nitt vergässe oder verschloofe, hett Si die drei Bletter scho abgrisse. Dorum haisst s'Motto, wo drzue basst, "Drei Daag abgrisse". Das isch aber dr aizig Grund und jo nitt öppe en AAschpilig uff aller Gattig für anderi Abrisssmöglichkaite. So öppis wieschts würde mir nie sage. Dr Entwurf für die Blaggedde mit dem luschtige

Gsicht hett das mool dr Graphiker Albert Eicher gmacht, wo dodrmit zum erschte Mool in d'Galerie vo de Blaggedde-Schöpfer uffgnoo wird. D'Ussfiehrig hingege liggt wie allewyl bym René Müller, wo n'ys mit synere lange Erfahrig wieder e Bijou an s'Revers zauberet hett.



D Luftschnapperli

Plyffergruppe

Sujet:
Vorträbler und
Plyffer
S Requisit

Nur Jeans rentliere schyyns!!

...laufe als gueti alti Basler-Ideal in däne so tolle (schyyns...) Jeans


zeigt die letschte, tapfere, beliebte, härzige, alte Basler Lädeli,
wo bis jetz dr Jeans-Mafia hän kenne Paroli biete

Unseri Viert(i) und alles uss Jeans-Schtoff modeliert!!

Nach de negative Erinnerung vom letschte Joohr, hämmer z'Allschwil zum Erschtemool durch Abwäsehait miesse glänze. Drfür hämmer für-aimool e Noochfasnacht kha ... aber dodrzue e chli schpööter.

Dr Morgeschtraich ... jä überhaupt die ganzi Fasnacht isch e woohri Pracht gsi. Nacheme kalte, aber wunderschöne Morgeschtraich, hett während de schöönschte 3 Dääg nur no aimool d'Sunne gschiehne ... s'isch aimoolig gsi. S'Sujet vo däm Joohr - Nur Jeans rentiere schyyns - hett uff d Problematik vo de alte Baslerlädeli (ins-

bsunderi am Schpaale-bärg/Chäs-Willy etc.) abgschpielt. Als wie meh mien nämlich die beliebte 'Tante Emmalädeli' däne oft unpersönliche Jeans-Shops wyche. Um das z'illuschiere, hämmer 3 verschiedefarbigi Jeans-Schtoff kha und jede hett 'syy' traditionells Basler-Koschtüüm dörfe ussueche. Eso hämmer 3 Ueli, 2 Waggis, 2 Blätzli-Bajasse, 2 Dumm-Peter, 1 Alti Dante & 1 Harlekin kha und s'hett glaub e rächti Falle gmacht (Kompliment an alli Schnydere!). Im Requisit hett dr Mischius de letschte alte, beliebte ... Basler-Läde bedient. Jä und zum erschte Mool hämmer dasjoohr sogar en aigene, aifache Zeedel verdailt. S'Gschtaffleti Cortège hett sich au im zwaite Joohr be-



D'Luftschnapperli

NUR JEANS RENTIERE SCHYYSN!!!

Z'Basel duet sich dr Konsumäntehimmel dunggel färbe, Mir hänn schuurig Problem mitem Lädelischtärbe, Schtatt wie geschter no Brie & Vacherin wo duet laufe, Chamme dört hütt scho numme no (blau) Juttesegge kaufe.

.....aber öppe.....nur Jeans rentiere schyyns!!!

Tante Emma muess zechele, jä hett e haide Chrapf, Bi däne Mietzine isch s'(Ueber-) Läbe nur no e Kampf, Schtatt im Lädeli die neuschte Quartier-News z'becho, Muess me im 'Super'märggt schlange schtoh.

.....aber öppe.....nur Jeans rentiere schyyns!!!

Und au wo s'hett kha Mueter e Schruube wo nimm roschte, Chamme jetzt au nur no Jeans-Lümpe boschte, D'Lädeli verschwinde Schtügg für Schtügg & in Tranche Basel wird regiert vo dr 'Jeans-Modebranche'.

.....aber öppe.....nur Jeans rentiere schyyns!!!



schtätigt, denn usser in dr Rhygass (...und das simmer jo gwohnt!) isch's aigentlich immer rund gloffe. Gschpiess hämmer au dasjoohr im Merkur/Märtplatz... und ich glaub, mir blybe drby. Am Zyschtig



hämmer entsprächend em Wätter unseri herrliche Pierrot ussgmottet (im übrige mit em Catherine, wo wäge de Priefrige s' Cortège hett fahre loo). Am Mittwoch hämmer denn no zur Volggs- (inkl. Comitè) verunsicherig bydrait. Nach em letschte Cortègehalt simmer nämlich gemeinsam mit dr Gugge 'Fasadeschränzer' uffem Märtplatz yygloffe. Aimool

im Guggeschritt ... denn wieder alli wiene Clique (mit Piccolo & Drummler!) ...d'Lütt hänn numme no gschtuunt. Dr ainti Tambour hett uns denn au bis zum Aendschtraich (s'isch herrlich gsi!) am Donnschtig-amorge begleitet.

21./22. Merze 1987 - Bummelweekend

Vo unserem Larvemacher (Dildy) hämmer s'Aagebot kriegt, by freier Koscht & Logis (...und erscht no Subvention!) z'La Chaux-de-Fonds Fasnacht z'mache, hämmer ys uff das Experiment yygloh ... und s'hett sich glohnt! Nitt numme dass mir (als ainzigi!) im beschte Hotel/**** vo dr Schtadt logiert



hänn, nai s'isch e sauglatti Fasnacht wo die hänn. Nacheme öppe 1/2 Schtündige Cortège (d'Lütt hänn schtändig applaudiert!!) hett's

e Platz-Konzärt uffem Märtpplatz gäh (alli Clique mitenand), bevor
me vo Baiz zue Baiz zooge isch & Schtändeli uffgschpielt hett.

Am Sunntig hett sich dr Tross denn uff Moutier - em aigentliche
Bummelort - verschoobe. Nacheme währschaffte Mittagässe by dr
'La Mamma' simmer in de ainsame Gasse (dasch glaub e Gaischterschtadt!)
go pfyffe. Wieder z'Basel hett's au dasjoohr e feine Apero vo
s'Kuenze (nomol härzliche Dangg!) z'gniesse gäh. Nach dr Freie &
eme Telefonschtändeli uff Lausanne, hämmer am 22.00h bym
Tinguely dr Aenschtraich gschpielt.

Resumer: Me dörf sicher gschannt sy, was s'näggschtjoohr ...
zuemal s'5-jäährige ... no alles chunnt?

Marco





ES KAMEN ZUR WELT	ES KAMEN ZUR WELT
<p>12.01.1987</p> <p>Moor, Benjamin, Sohn des Andreas und der Beatrice, geb. Colussi</p>	<p>19.02.1987</p> <p>Fasoli, Marc-Roman Oliver, Sohn des René und der Ingeborg, geb. Klug</p>
<p>02.02.1987</p> <p>Wassmer, Dominik André, Sohn des Rolf Dominik und der Jacqueline Martha Julia, geb. Laubscher</p>	<p>11.03.1987</p> <p>Schmid, Cindy, Tochter des Jean-Daniel und der Jacqueline, geb. Kunz</p>
<p>13.02.1987</p> <p>Stämpfli, Dominic, Sohn des Ralph und der Ruth, geb. Kunz</p>	<p>50. GEBURTSTAG</p> <p>24.04.1987</p> <p>Hügli, Robi in Allschwil, Burgfelderstattweg 29</p>





31. Jänner 1987 in dr «Joggeli Sporthalle»

Dr grescht Guggemusik-Plausch vo dr ganze Schwyz!

E chli skeptisch sinn mir natürrlich scho gsi, wo mir uns im Summer'86 entschlosse hänn, am obige Fescht die Erschti aigeni Baiz z'betriebe. Aber alli unseri Bedängge sinn scho bald verflooge, s'isch nämlig e volle Erfolg worde. Lutt OK sig nämlig in kainere Baiz eso viel Betrieb gsi, wie in dr urchige Raclette-Schtuube vo de Luftschnapperli. Dass mir dä Erfolg finanziell nitt voll hänn chönne

umsetze (mir sinn aber hoch z'friede gsi!) liggt sicher do dra, dass mir halt no fettigi 'Nobodies' sinn in däm Metier. Aber uns hett's jo scho riesig Schpass gmacht, wenn me gseh hett wie unseri Gönner, Fründe



(öppe 100 an dr Zahl!) & übrige Gescht eso dr Plausch kha hänn, dass Sie zum Schluss uff de Tisch tanzt hänn!! Dr erschti Dail zue däm Aaloss isch denn au grad dr miehsamschti gsi. Mit unsere 160 Pflichtbyyljee, hämmer die gröschte Sorge kha (e Chränzli em Ruthli und em Ralph wo die letschte 30 no vor dr Oobekasse verhaggt hänn!!!). So richtig losgange isch's denn aber unter dr

Wuche vorem Fescht. Vom Mittwoch bis am Frittig hämmer all Oobe mit Larve, Ladärne, Ballöön, Papierblueme etc. dkoriert und trotz aafängliche Bedängge isches zum Schluss richtig häimelig



worde. Wo's denn so richtig losgange isch, simmer gar nüm zum schtudiere cho, do hesch nur no chönne schaabe, bringe, mache... s'isch ver- rugt gsi. Do möcht ich im ganze Team e riese Komplimänt mache! Denn alli, ob im Service oder hinterem Buffet (...usser denn bym Uffruume!) hänn gschaftt... jä

kchrampt wie die wilde, s'isch e woohri Pracht gsi. Ganz zum Schluss, also öppe am 03.15h hett's denn nomol e chli Problem gäh. E Dail vonere usswärtige Gugge hett by uns nämlig e so tolle Jazz uffgschpielt, dass mir (entgege dr Mainig vom OK!) die begeischerete Gescht fascht nüm zur Baiz uss kriegt hänn (... mir hänn leider miesse!). Was aber sicher au e 'muess' isch, dass mir au s'näggscht Joohr bym Gugge-Konzärt dien wirte!!

Marco

Ps: E bsundere Dangg unserne inzwüsche 'gwordene Mietere' (Ruthli & Schaggi) wo trotz Büuch schuurig aapaggt hänn!!

Pss: Usserdäm dange mir em Marco Schatzmann für d'Papier-Blueme & dr Frau Glauser für d'Senne-Chutteli rächt härzlich.

S I S C H F A S N A C H T H I T !

S dunggt mi, wenn i d Lyt due bschaue,
d Goofe, d Männer und au d Fraue,
d Alldaagslarve sin verschwunde,
Freeligkait straalt unumwunde
uus den Auge, s Härz macht mit!
Beppli - s isch Faasnacht hit!

D Drummle ruesse, d Gugge bloose,
d Waggis spienzle mit Mimose,
d Piccolo dien jubiliere,
blybsch nimm stoo, muesch mitmarschiere,
wippsch im Taggt und gosch im Schritt
hindedry - s isch Faasnacht hit!


Trotz der Kelti, trotz des Bryyse,
Naasedropfe, wo veryyse,
duesch an Wäge uffehangle,
wotsch der letschti Zeedel angle.
Wenn s e Muul voll Röppli git,
hesch no Fraid - s isch Faasnacht hit!

Gosch denn styff und halbverfroore
und mit kalte, rooten Ohre
in e Baiz und bstellsch e Zwaier,
gseesch e Waggis - bisch uff Aier.
Hoffendlig kennt äär mi nit!
Laider doch - s isch Faasnacht hit!



Z oobe draaie während Stunde
d Schnitzelbänggler ihri Runde.
Kinschtlervärs und Kinschtlerhelge
leen dy Gmiet in C-Dur schwelge
und luut singsch der Refrain mit,
säällig saisch - s isch Faasnacht hit!

=====

S I S C H F A S N A C H T H I T !



Skiweekend Saanenmöser

 * 17. / 18. 1. 87 *  * *

Trotz aafängliche Grücht (mir gienge zue de Schtryycher!) hämmer au s'dasjööhrige Schyyweekend im schöne Schwyzerländli abghalte. S'hett ys nämlig uff's wunderschöne & (zum Glügg!) tiefverschneite Saanenmöser verschlaage. Grad scho vorewäg... besser chammes im Jänner, glaub nitt braiche, denn erschtens hämmer 2 Dääg 'plein-soleil' (mit schtrahlend blauem Himmel) kha, zum zwaite hett sich bi öppe -8°C au dr Schnee geradezue optimal presentiert. Drfür hämmer mit dr Unterkunft unseri liebi Problem kha! Dört hämmer nämlig 4 Kajüüte-Näschter miesse uff 10 Persoone verdaile (s'isch schampar äng gsi, gäll Esthi!). Zuedäm hett dr Hotelier kai Freud kha, dass unseri 3 Oberjasser (Esthi, Mull & Werni) am Morge am 3h

no hänn welle go fänschterle (mit de Adilette). Nacheme mordsmässige 'Zämmeschiss', sinn Sie wie gschlageni Hünd in d'Gugge g'huscht. Wäge däm Vorfall hett sich dr Mull denn nüm an z'Morgetisch getraut, eso hett



dä arm Kärli Angscht kha! Loobe möcht ych no unseri beide Fahrerinne ussem Nachwuchs-Kader (Sandra & Claudia C.) aber by sonere Schyylehrere isch das jo au nitt schwer (gäll Claudia!). Abschliesend möcht ych sage, dass für emol d'Schyfahrer (& nitt d'Jasser!) uff d'Rächnig cho sinn, ... aber bi so Verhältnis wär's au e Verbräche, wenn me inehogge würd. Besser hätt's nüm chönne sy!!!

Marco

Ps: S'Catherine wie allewyl (hejo by däm blööde Chef!) sowie s'Ruthli & d'Schaggi vowäge 'andere Umschtänd' (jetzt gitt's denn bald e Jungi Garde!) sinn laider nitt derby gsi.



D'LUFTSCHNAPPERLI-CHUCHI



AVOCADO-TOAST

Zutaten (4 Personen): 2 EL Oel, 2 Pouletbrüstchen, Salz, Pfeffer, Paprika, wenig Rosmarin - 2 Avocados halbiert geschält, entkernt, Zitronensaft, Pfeffer aus der Mühle - 4 Scheiben Toastbrot, 30 g Butter
4 Scheiben Tilsiter, Pfeffer aus der Mühle

Pouletbrüstchen würzen, im heissen Oel 5-8 Min. braten und beiseite stellen. Avocadohälften in Scheiben schneiden, mit Zitronensaft beträufeln und mit Pfeffer bestreuen. Pouletbrüstchen in Scheiben schneiden. Brotscheiben mit Butter bestreichen und dachziegelartig mit Avocado- und Pouletscheiben belegen. Mit je einer Tilsiter-scheibe bedecken und im vorgeheizten Ofen (220°C) backen, bis der Käse zu schmelzen beginnt. Vor dem Servieren mit Pfeffer bestreuen.

KAESESCHNITTE "GAERTNERIN"

Zutaten (4 Personen): 100 g Apenzeller (grob gerieben), 250 g Greyerzer (grob ger.), 1 grosses Rübli (geschält, grob geraffelt), 1 Ei, 2-3 EL Rahm, Salz, Pfeffer, Paprika, Cayenne-Pfeffer, Muskatnuss, 4-6 Scheiben Bauernbrot, 1 Bund Schnittlauch (geschnitten)

Käse, Rübli, Ei und Rahm zusammen vermischen, würzen und auf die Brotscheiben verteilen. Im vorgeheizten Ofen (220°C) goldgelb backen. Vor dem Servieren mit Schnittlauch bestreuen.

Tip: Diese Schnitten können auch in der Bratpfanne im Oel halbschwimmend gebacken werden.

Presseinformation



GRÜCHTE-CHUCHI

stimmt, dass...

- ... dr Mull uff dr Glasbühni vomene yschlägige (little-) Basler-Lokal mit dr 'Zugabe' dr Hochzytt's-Tanz giebt hett?
- ... dr Pascal, uss uns unbekante Gründ, ans Requisit e Schtähuhr hett welle montiere?
- ... uffem Münschterplatz neuerdings nitt numme d'Ladärneusschtellig, sondern au dr Fast-Food-Schtand (Zapfschtell) vo de Luft-schnapperli plaziert isch?
- ... dr Müller Dänneli (genannt Hammerhai!) immer noni waiss, wo im Hardys d'Toilette sinn?
- ... mir vom Comité en Aafroog kriegt hänn, ob mir jetzt aigentlich als Gugge, oder als Pfyffergruppe laufe (d Fasadeschränzer hänn schyns au e Kopie becho!)?
- ... dr Nyfeler Thommi (genannt Ruschchugele!) trotz sym Vertrag uff Läbzytte als unsere Ladärneträger (laider hämmer jo immer no kaini!) e Transfer zue dr Schpale gmacht hett?
- ... dr Mull s'erschtmool in sym 'bewegte' Läbe d'Schotte in Natura gseh hett? ...aaaahhhh,ooohhhh,uuuhhhh!

